

說一切有部發智大毗婆沙論卷第五十六 節六

犢子讀上音 耽丁含反 撥必末反 鹿野字 伏嵐

風中即含反此

阿毗達磨大毗婆沙論卷第五十七 節七

五百大阿羅漢等造三藏法師玄奘奉詔譯

結蘊第二中一行納息第二之二

或有二俱不繫謂集智已生滅智未生於見  
苦集所斷法及於色無色界見滅道所斷見  
結不相應法并於色無色界修所斷法無二  
結繫滅智已生道智未生於見苦集滅所斷  
法及於色無色界見道所斷見結不相應法  
并於色無色界修所斷法無二結繫具見世  
尊弟子未離欲染於見所斷法及於色無色  
界修所斷法無二結繫已離欲染於欲界法  
無二結繫已離色染於欲色界法無二結繫

已離無色染於三界法無二結繫此中諸法  
能繫所繫俱已斷故皆離二結謂慧見結俱  
離繫故問欲界有慧彼於慧結得離繫時可  
說不繫色無色界本無慧結如何言彼慧結  
不繫答不繫有二種一從繫得不繫二本性  
無繫故名不繫欲界諸法有慧結故得解脫  
時說彼從繫而得不繫上二界法本無慧結  
故說彼為本性不繫以不繫言含二種義故  
此說為二俱不繫如毗奈耶說有二種補特  
伽羅名為清淨一者本來不犯禁戒二者犯  
已如法悔除第一本性無染故名清淨第二  
從染得淨故名清淨不繫亦尔故無有失問  
色無色界見滅道所斷見結不相應法何者  
是耶答彼邪見自性及見取戒禁取疑貪慢  
不共無明等聚相應不相應法相應法者謂  
邪見自性及見取乃至不共無明聚中心心  
所法不相應法者謂邪見乃至不共無明聚  
中所有四相及彼諸得聚中能相所相如對

見結對疑結亦亦謂如見結通三界惟四部  
 通有漏無漏緣徧行非遍行疑結亦亦是故  
 志結若對疑結如對見結若於此事有志結  
 繫亦有取結繫耶答應作四句此中志結惟  
 欲界通五部惟有漏緣非遍行取結通三界  
 惟四部有漏緣通遍行非遍行諸具縛者於

欲界五部事若有志結繫亦有取結繫若有  
 取結繫亦有志結繫於色無色界五部事有  
 取結繫無志結繫不具縛者志結惟欲界非  
 徧行故短通五部故長取結惟四部故短通  
 三界通行非遍行故長此二互有長短義故  
 所問應作四句而答或有志結繫無取結繫

第七

二

卷七

謂未離欲染集智已生滅智未生於欲界修  
 所斷法有志結未斷滅智已生道智未生於  
 欲界修所斷法有志結未斷具見世尊弟子  
 未離欲染於欲界修所斷法有志結未斷此  
 中或有九品志結未斷乃至或有一品志結  
 未斷由未斷故有志結繫無取結繫所以者

何遍行取結緣五部者彼已斷故非遍行取  
 結於修所斷法未斷已斷俱不能繫故修所  
 斷部無取結故或有取結繫無志結繫謂未  
 離欲染苦智已生集智未生於欲界見苦所  
 斷法有見集所斷取結未斷於色無色界法  
 有取結未斷此中未離欲染苦智已生集智

未生欲界見苦所斷志結取結二俱已斷欲  
 界見集所斷取結未斷故於欲界見苦所斷  
 法為所緣繫欲界見集所斷志結雖未斷而  
 於欲界見苦所斷法非所緣繫非遍行故非  
 相應繫是他聚故於色無色界法有取結未  
 斷者或有八地取結未斷乃至或有一地取

結未斷於此地中或有四部取結未斷乃至  
 或有一部取結未斷由未斷故有取結繫無  
 志結繫彼無志故或有二俱繫謂具縛者於  
 欲界見修所斷法有二結繫此中具縛者於  
 欲界見苦所斷法有一部志結繫二部取結  
 繫於欲界見集所斷法亦亦於欲界見滅所

聖

三

斷法有一部志結繫三部取結繫於欲界見道所斷法亦介於欲界修所斷法有一部志結繫二部取結繫復次未離欲染苦智已生集智未生於欲界見集滅道修所斷法有二結繫此中於欲界見集所斷法有一部志結繫一部取結繫於欲界見滅道所斷法各有

一部志結繫二部取結繫於欲界修所斷法有一部志結繫一部取結繫介時於欲界見苦所斷法雖有取結繫而無志結繫故此不說復次集智已生滅智未生於欲界見滅道所斷法有二結繫此中亦未離欲染於欲界見滅道所斷法各有一部志結繫一部取結

繫介時於欲界修所斷法雖有志結繫而無取結繫故此不說復次滅智已生道智未生於欲界見道所斷法有二結繫此中亦未離欲染於欲界見道所斷法有一部志結繫一部取結繫介時於欲界修所斷法雖有志結繫而無取結繫故此不說或有二俱不繫謂

未離欲染集智已生滅智未生於見苦集所斷法及於色無色界修所斷法無二結繫滅智已生道智未生於見苦集滅所斷法及於色無色界修所斷法無二結繫具見世尊弟子未離欲染於見所斷法及於色無色界修所斷法無二結繫已離欲染於欲界法無二

結繫已離色染於欲色界法無二結繫已離無色染於三界法無二結繫此中諸法能繫所繫俱已斷故皆離二結謂志取結俱離繫故若於此事有志結繫亦有嫉結繫耶若於此事有嫉結繫必有志結繫或有志結繫無嫉結繫謂於欲界見所斷法有志結未斷

此中志結惟欲界通五部惟有漏緣非徧行嫉結惟欲界修所斷有漏緣非徧行諸具縛者於欲界修所斷事若有志結繫亦有嫉結繫若有嫉結繫亦有志結繫於欲界見所斷事有志結繫無嫉結繫不具縛者若未離欲染於欲界修所斷事具二結繫於欲界見所

第七

四

若玉

斷事隨未斷處有恚結繫無嫉結繫若已斷處無二結繫若已離欲染於欲界五部事無二結繫於色無色界五部事若具縛若不具縛一切時無二結繫由恚結長嫉結短故所問應作順後句答若於此事有嫉結繫必有恚結繫謂於欲界修所斷未離繫事或有恚結繫無嫉結繫謂於欲界見所斷法有恚結未斷此中或有四部恚結未斷乃至或有一部恚結未斷由未斷故有恚結繫無嫉結繫所以者何見所斷部無嫉結故如對嫉結對慳結亦亦謂嫉與慳俱惟欲界修所斷有漏緣非遍行故

若於此事有無明結繫亦有見結繫耶答若於此事有見結繫必有無明結繫或有無明結繫無見結繫乃至廣說此中無明結通三界五部有漏無漏緣遍行非遍行見結通三界惟四部通有漏無漏緣遍行非遍行諸具縛者於三界五部事若有無明結繫亦有見

結繫若有見結繫亦有無明結繫不具縛者無明結長見結短故所問應作順後句答若於此事有見結繫必有無明結繫謂於三界五部有見結未斷事或有無明結繫無見結繫謂集智已生滅智未生於見滅道所斷見結不相應法及於修所斷法有無明結未斷

卅七

五

此中見滅道所斷見結不相應法者謂彼邪見自性及見取戒禁取疑貪瞋慢不共無明等聚相應不相應法於此諸法無明結未斷故有無明結繫彼於自聚為所緣繫及相應繫若於他聚為所緣繫非相應繫無見結繫所以者何遍行見結緣五部者彼已斷故餘

未斷者於此見結不相應法非所緣繫無漏緣故非相應繫是他聚故自性與自性不相應故彼於修所斷法無明結未斷故有無明結繫或有九地無明結未斷乃至或有一地無明結未斷於此地中或有九品無明結未斷乃至或有一品無明結未斷無見結繫所



以者何通行見結緣五部者彼已斷故修所斷部無見結故復次滅智已生道智未生於見道所斷見結不相應法及於修所斷法有無明結未斷此中見道所斷見結不相應法如前說於此諸法及於修所斷法有無明結繫無見結繫亦如前說復次具見世尊弟子

於修所斷法有無明結未斷此中或有九地無明結未斷乃至或有一地無明結未斷於此地中或有九品無明結未斷乃至或有一品無明結未斷由未斷故有無明結繫無見結繫所以者何一切見結彼已斷故如對見結對疑亦亦謂如見結通三界惟四部通有

漏無漏緣通行非通行疑結亦亦是故無明結若對疑結如對見結若於此事有無明結繫亦有取結繫耶若於此事有取結繫必有無明結繫或有無明結繫無取結繫乃至廣說此中無明結通三界五部有漏無漏緣通行非通行取結通三界惟四部有漏緣通

徧行非徧行諸具縛者於三界五部事若有無明結繫亦有取結繫若有取結繫亦有無明結繫不具縛者無明結長取結短故所問應作順後句若於此事有取結繫必有無明結繫謂於三界五部有取結未斷事或有無明結繫無取結繫謂集智已生滅智未生

節七

六

於修所斷法有無明結未斷滅智已生道智未生於修所斷法有無明結未斷具見世尊弟子於修所斷法有無明結未斷此中或有九地無明結未斷乃至或有一地無明結未斷於此地中或有九品無明結未斷乃至或有一品無明結未斷由未斷故有無明結繫無取結繫所以者何徧行取結緣五部者彼已斷故非通行取結未斷已斷於修所斷法非能繫故修所斷部無取結故若於此事有無明結繫亦有嫉結繫耶若於此事有嫉結繫必有無明結繫或有無明結繫無嫉結繫謂於欲界見所斷法及於色無色界法有

無明結未斷此中無明結通三界五部有漏無漏緣遍行非遍行嫉結惟欲界修所斷有漏緣非徧行諸具縛者於欲界修所斷事若有無明結繫亦有嫉結繫若有嫉結繫亦有無明結繫於欲界見所斷四部事及色無色界五部事有無明結繫無嫉結繫不具縛者

若未離欲染於欲界修所斷事具二結繫於三界見所斷四部事隨未離繫處有無明結繫無嫉結繫若已離繫處無二結繫於色無色界修所斷事有無明結繫無嫉結繫已離欲染於欲界五部事無二結繫於色無色界五部事隨未離繫處有無明結繫無嫉結繫

第七

七

若已離繫處無二結繫由無明結長嫉結短故所問應作順後句答若於此事有嫉結繫必有無明結繫謂於欲界修所斷未離繫事或有無明結繫無嫉結繫謂於欲界見所斷法有無明結未離此中或有四部無明結未斷乃至或有一部無明結未斷於色無色界

法有無明結未斷此中或有八地無明結未斷乃至或有一地無明結未斷於此地中或有五部無明結未斷乃至或有一部無明結未斷於此部中或有九品無明結未斷乃至或有一品無明結未斷由未斷故有無明結繫無嫉結繫所以者何見所斷部無嫉結故色無色界亦有嫉故如對嫉結對怪結亦亦謂嫉與怪俱惟欲界修所斷有漏緣非徧行故若於此事有見結繫亦有取結繫耶答若於此事有見結繫必有取結繫或有取結繫無見結繫乃至廣說此中見結通三界惟四部通有漏無漏緣遍行非遍行取結通三界惟四部有漏緣通徧行非徧行諸具縛者於三界五部事若有見結繫亦有取結繫若有取結繫亦有見結繫不具縛者有於見滅道所斷見結不相應法有取結繫無見結繫由見結短取結長故所問應作順前句答若於此事有見結繫必有取結繫謂於三界五部

未離見結繫事或有取結繫無見結繫謂集智已生滅智未生於見滅道所斷見結不相應法有取結未斷滅智已生道智未生於見道所斷見結不相應法有取結未斷此中見滅道所斷見結不相應法如前說於此諸法取結未斷故有取結繫彼於自聚為所緣繫

及相應繫若於他聚為所緣繫非相應繫無見結繫所以者何徧行見結緣五部者彼已斷故餘未斷者於此見結不相應法非所緣繫無漏緣故非相應繫是他聚故自性與自性不相應故若於此事有見結繫亦有疑結繫耶答應作四句此中見結通三界惟四部

節七

八

通有漏無漏緣徧行非徧行疑結亦亦諸具縛者於三界五部事若有見結繫亦有疑結繫若有疑結繫亦有見結繫不具縛者見疑二結各於自聚有繫故長各於他聚無繫故短是故所問應作自本四句而答或有見結繫無疑結繫謂集智已生滅智未生於見滅

道所斷見結相應法有見結未斷滅智已生道智未生於見道所斷見結相應法有見結未斷此中見滅道所斷見結相應法者謂彼邪見相應心心所法見結於彼有相應繫以未斷故無所緣繫無漏緣故疑結於彼全無繫義所以者何徧行疑結緣五部者彼已斷

故餘未斷者於見結相應法非所緣繫無漏緣故非相應繫是他聚故或有疑結繫無見結繫謂集智已生滅智未生於見滅道所斷疑結相應法有疑結未斷滅智已生道智未生於見道所斷疑結相應法有疑結未斷此中見滅道所斷疑結相應法者謂彼疑相應

心心所法疑結於彼有相應繫以未斷故無所緣繫無漏緣故見結於彼全無繫義所以者何徧行見結緣三部者彼已斷故餘未斷者於疑結相應法非所緣繫無漏緣故非相應繫是他聚故或有二俱繫諸具縛者於見修所斷法有二結繫此中具縛者於見苦所

節七

九

聖

斷法有二部見結繫二部疑結繫於見集所  
 斷法亦介於見滅所斷見結相應法有三部  
 見結繫二部疑結繫於見滅所斷疑結相應  
 法有三部疑結繫二部見結繫於見滅所斷  
 見疑二結不相應法有二部見結繫二部疑  
 結繫於見道所斷法亦介於修所斷法有二  
 部見結繫二部疑結繫苦智已生集智未生  
 於見苦集滅道修所斷法有二結繫此中苦  
 智已生集智未生於見苦所斷法有一部見  
 結繫一部疑結繫於見集所斷法亦介於見  
 滅所斷見結相應法有二部見結繫一部疑  
 結繫於見滅所斷疑結相應法有二部疑結  
 繫一部見結繫於見滅所斷見疑二結不相  
 應法有一部見結繫一部疑結繫於見道所  
 斷法亦介於修所斷法有一部見結繫一部  
 疑結繫或有二俱不繫謂集智已生滅智未  
 生於見苦集所斷法及於見滅道所斷見疑  
 二結不相應法并於修所斷法無二結繫滅

智已生道智未生於見苦集滅所斷法及於  
 見道所斷見疑二結不相應法并於修所斷  
 法無二結繫具見世尊弟子於見修所斷法  
 無二結繫已離欲染於欲界法無二結繫已  
 離色染於欲色界法無二結繫已離無色染  
 於三界法無二結繫比中諸法能繫所繫俱  
 已斷故皆離二結謂見疑結俱離繫故見滅  
 道所斷見疑二結不相應法雖未離自部繫  
 而見疑二結於彼不繫故名無二結繫若於  
 此事有見結繫亦有嫉結繫耶答應作四句  
 此中見結通三界惟四部通有漏無漏緣徧  
 行非徧行嫉結惟欲界修所斷有漏緣非徧  
 行諸具縛者於欲界修所斷事若有見結繫  
 亦有嫉結繫若有嫉結繫亦有見結繫於欲  
 界見所斷四部事及色無色界五部事有見  
 結繫無嫉結繫不具縛者若未離欲染苦智  
 已生集智未生於三界見所斷四部事及於  
 色無色界修所斷事有見結繫無嫉結繫於

第七

十

壹



欲界修所斷事具二結繫集智已生滅或道智未生於欲界修所斷事有嫉結繫無見結繫於三界見滅或道所斷見結相應法有見結繫無嫉結繫於三界見苦集所斷法及見滅道所斷見結不相应法無一結繫若已離欲染於欲界五部事無二結繫於色無色界

五部事隨未離見結者有見結繫無嫉結繫若已離見結者無二結繫此二互有長短義故所問應作四句而答或有見結繫無嫉結繫謂於欲界見所斷法及於色無色界法有見結未斷此中於欲界見所斷法有見結未斷者或有四部見結未斷乃至或有一部見結未斷於色無色界法有見結未斷者或有八地見結未斷乃至或有一地見結未斷於此地中或有四部見結未斷乃至或有一部見結未斷由未斷故有見結繫無嫉結繫所以者何見所斷部及上二界無嫉結故或有嫉結繫無見結繫謂未離欲染集智已生滅

智未生於欲界修所斷法有嫉結未斷滅智已生道智未生於欲界修所斷法有嫉結未斷具見世尊弟子未離欲染於欲界修所斷法有嫉結未斷此中或有九品嫉結未斷乃至或有一品嫉結未斷由未斷故有嫉結繫無見結繫所以者何遍行見結緣五部者彼

第七

十一

已斷故餘未斷者於修所斷法不能為繫無漏緣故修所斷部無見結故或有二俱繫謂具縛者於欲界修所斷法有二結繫此中具縛者於欲界修所斷法有二部見結繫一部嫉結繫復次未離欲染苦智已生集智未生於欲界修所斷法有二結繫此中未離欲染者或有九品未離乃至或有一品未離彼苦智已生集智未生於欲界修所斷法有一部見結繫一部嫉結繫或有二俱不繫謂未離欲染集智已生滅智未生於見苦集所斷法及於見滅道所斷見結不相应法并於色無色界修所斷法無二結繫滅智已生道智未

生於見苦集滅所斷法及於見道所斷見結  
 不相应法并於色無色界修所斷法無二結  
 繫具見世尊弟子未離欲染於見所斷法及  
 於色無色界修所斷法無二結繫已離欲染  
 於欲界法無二結繫已離色染於欲色界法  
 無二結繫已離無色染於三界法無二結繫

此中或有已斷故不繫或有本無故不繫如  
 對嫉結對慳結亦亦謂嫉與慳俱惟欲界修  
 所斷有漏緣非遍行故如見結對後作一行  
 疑結對後作一行亦亦謂見與疑俱通三界  
 惟四部通有漏無漏緣遍行非遍行故  
 若於此事有取結繫亦有疑結繫耶若於

此事有疑結繫必有取結繫或有取結繫無  
 疑結繫乃至廣說此中取結通三界惟四部  
 有漏緣通遍行非遍行疑結通三界惟四部  
 通有漏無漏緣通遍行非遍行諸具縛者於三  
 界五部事若有取結繫亦有疑結繫若有疑  
 結繫亦有取結繫不具縛者有於見滅道所

斷疑結不相应法有取結繫無疑結繫由取  
 結長疑結短故所問應作順後句若於此  
 事有疑結繫必有取結繫謂於三界五部未  
 離疑結事或有取結繫無疑結繫謂集智已  
 生滅智未生於見滅道所斷疑結不相应法  
 有取結未斷滅智已生道智未生於見道所

第七

十二

斷疑結不相应法有取結未斷此中見滅道  
 所斷疑結不相应法者謂彼疑自性及邪見  
 見取戒禁取貪瞋慢不共無明等聚相應不  
 相应法於此諸法取結未斷故有取結繫彼  
 於自聚為所緣繫及相應繫若於他聚為所  
 緣繫非相應繫無疑結繫所以者何徧行疑

結緣五部者彼已斷故餘未斷者於此疑結  
 不相应法非所緣繫無漏緣故非相應繫是  
 他聚故自性與自性不相应故若於此事有  
 取結繫亦有嫉結繫耶若應作四句此中取  
 結通三界惟四部有漏緣通徧行非徧行嫉  
 結惟欲界修所斷有漏緣非徧行諸具縛者

於欲界修所斷事若有取結繫亦有嫉結繫若有嫉結繫亦有取結繫於欲界見所斷四部事及色無色界五部事有取結繫無嫉結繫不具縛者若未離欲染苦智已生集智未生於三界見所斷四部事及色無色界修所斷事有取結繫無嫉結繫於欲界修所斷事

具二結繫集智已生滅或道智未生於欲界修所斷事有嫉結繫無取結繫於三界見滅或道所斷事有取結繫無嫉結繫於三界見苦集所斷事無二結繫若已離欲染於欲界五部事無二結繫於色無色界五部事隨未離取結者有取結繫無嫉結繫若已離取結

第七

十三

者無二結繫此二互有長短義故所問應作四句而答或有取結繫無嫉結繫謂於欲界見所斷法及於色無色界法有取結未斷此中於欲界見所斷法有取結未斷者或有四部取結未斷乃至或有一部取結未斷於色無色界法有取結未斷者或有八地取結未

斷乃至或有一地取結未斷於此地中或有四部取結未斷乃至或有一部取結未斷由未斷故有取結繫無嫉結繫所以者何見所斷部及上二界無嫉結故或有嫉結繫無取結繫謂未離欲染集智已生滅智未生於欲界修所斷法有嫉結未斷滅智已生道智未

生於欲界修所斷法有嫉結未斷具見世尊弟子未離欲染於欲界修所斷法有嫉結未斷此中或有九品未斷乃至或有一品未斷由未斷故有嫉結繫無取結繫所以者何遍行取結緣五部者彼已斷故餘未斷者於修所斷法不能為繫非所緣故修所斷部無取結故或有二俱繫謂具縛者於欲界修所斷法有二結繫此中具縛者於欲界修所斷法有二部取結繫一部嫉結繫復次未離欲染苦智已生集智未生於欲界修所斷法有二結繫此中未離欲染者或有九品未離乃至或有一品未離彼苦智已生集智未生於欲

界修所斷法有一部取結繫一部嫉結繫或  
 有二俱不繫謂未離欲染集智已生滅智未  
 生於見苦集所斷法及於色無色界修所斷  
 法無二結繫滅智已生道智未生於見苦集  
 滅所斷法及於色無色界修所斷法無二結  
 繫具見世尊弟子未離欲染於見所斷法及  
 於色無色界修所斷法無二結繫已離欲染  
 於欲界法無二結繫已離色染於欲色界法  
 無二結繫已離無色染於三界法無二結繫  
 此中或有已斷故不繫或有本無故不繫如  
 對嫉結對慳結亦亦謂嫉與慳俱惟欲界修  
 所斷有漏緣非通行故

節七

十四

若於此事有嫉結繫亦有慳結繫耶答如是  
 設有慳結繫復有嫉結繫耶答如是謂嫉慳  
 結俱惟欲界修所斷故所問應作如是句答  
 若未離欲染於欲界修所斷法具二結繫於  
 三界見所斷法及色無色界修所斷法無二  
 結繫已離欲染於三界一切法無二結繫長

短相似故言如是問嫉結依他而轉慳結依  
 自而轉何緣互相問俱答如是耶有作是說  
 嫉結於他能緣亦現起於自能緣不現起慳  
 結於自能緣亦現起於他能緣不現起此據  
 能緣故言如是復有說者此二俱緣自他而  
 起問嫉結緣他而起可亦緣自而起云何答  
 如有施主為二苾芻作資生具一則成好一  
 不成好不成好者見而生嫉作是念言彼資  
 生具如我所得豈不使哉此嫉亦能緣自而  
 起問慳結緣自而起可亦緣他而起云何答  
 如有一類見他施時便起慳心作如是念彼  
 人何用施他物為然所施物自全無分此慳  
 亦能緣他而起故答如是於理無違

說一切有部發智大毗婆沙論卷第五十七節七

不出字

十五末